



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De muliere, quae de filio concepit, quam Innocentius Papa, ob
contritionem perfectam, à peccati poena iudicauit ab solutam, cap. 11

urn:nbn:de:hbz:466:1-13177

cessisset in tali statu, minimè sensisset pœnam purgatoriam, quia perfecta charitas consumit plumbum & stipulam, culpam & pœnam. Hęc est opinio multorum; alij dicunt etiam viros perfectissimos secum trahere fœnum & stipulam. APOLLONIVS: Miror quare non fuerint peccata eius deleta, antequam Priori essent ostensa. CAESARIVS: Ne superflua videretur confessio, sine cuius desiderio nulla sit remissio: ipsa etiam confessio, propter erubescientiam, maxima pars est satisfactionis: nam in primo cōtritionis pūcto, dimissa fuerat ei culpa, deinde contritione inardescente & confessione accedente, deleta est pœna. APOLLON. Non miror minùs contritionem huius hominis, quā Mariæ, cui tantum lacrymanti & nil dicēti voce Salvatoris dictum est: Dimissa sunt ei peccata multa, quoniam dilexit multum. CAESARIVS: Ex quo mentionem fecisti Mariæ Magdalenæ, dicam tibi de mira contritione cuiusdam mulieris luxuriosæ, in qua nostris temporibus Christus non minora ostendit gratiæ suæ miracula, quam olim in Maria.

Luc. 7.

C A P V T X I.

IN diuersis locis, à diuersis personis, hoc quod dicitur sum audiui. Ante hoc quadriennium, eodem, si bene memini, anno, quo defunctus est Innocentius Papa, mulier quædam igne libidinis succesa, proprium adamauit filium, de quo concepit & peperit filium alterum. Terrore tam nephariæ commixtionis percussa, quolibet momento timens se tradi Satanæ, vel morte subitanæ interire, Deo miserante de satisfactione anxiari cœpit. Præhibito prius consilio sacerdotis sui, infantulum secum tollens, ita enim mihi dictum fuisse puto, Romam venit, & cum multa importunitate domini Innocentij Papæ oculis se ingessit, cum tantis lacrymis & clamoribus cunctis audiencibus faciens confessionem, ut omnes verteret in stuporem: gestauit in brachijs infantem, commissi facinoris testem. Videns dominus Papa in muliere tam contritionem, & quia verè esset pœnitens, misericordia motus super eam, sicut prudens medicus, volens

E ; infir-

70 DE CONTRITIONE

infirmam plenē & citō sanare , medicinā etiam contritionis probare , præcepit ut in tali veste ibi apparet, in quali venerat ad filium, cūm peccaret. Illa confusione ēternam, temporali anteponens , mox exiuit, vestes posuit, in camisia rediit , & quā paratissima foret ad omnem satisfactionem, in tali obedientia sati ostendens . Considerans vir literatissimus tali obedientiæ, tali verecundiæ, tali pœnitentiæ, nullius peccati pœnam posse resistere; coram omnibus dixit ad mulierem : Dimissum est peccatum tuum , vade in pace: & nil amplius iniunxit ei . Audiuit hæc quidam ex Cardinalibus , & cū Pharisæo contra Papam murmurās, iudiciū eius reprehendit, dicens, ad tantā culpam tā breuē pœnitentiam minus sufficientem: cui ille respondit: Si ego iniustè egi cum muliere ista, & insufficientis est eius coram Deo pœnitentia, potestatem habeat diabolus ingrediendi corpus meum, & coram omnibus me vexet: si verò tu iniustè me reprehendis, simile tibi fiat. Statim diabolus Cardinalem eundem vexare cœpit, per cuius vexationem perfectam mulieris pœnitentiam Deus palam ostendit. Tandem omnium oratione purgatus Cardinalis didicit in sua vexatione, diuinæ misericordiæ de cætero non oblatrare. Ecce mulier ista, sicut supradictus clericus, infirma cecidit, & sanissimas surrexit. APOLLONIVS: Magna Dei clementia, quod tam magnum peccatum , cui pœnitentia debetur quindecim annorum, tam breuis delet contritio. CÆSARIVS: delet peccata multo maiora. APOLLONIVS: quæ sunt illa? CÆSARIVS: Idolatria, hæresis, abnegatio creatoris; ista sunt ex infania diabolica, peccata verò carnalia, ex infirmitate humana; vnde ad mitigandam iram diuinam in commendatione defunctorum dicitur, licet tibi peccauerit, non tamen te negauit. APOLLONIVS: Rogo, si nosti aliquem qui Deum abnegando cecidit, & per contritionem surrexit, exempli causa manifestes,

CAPV